

**BOSNA I HERCEGOVINA
FEDERACIJA BOSNE I HERCEGOVINE
KANTON SREDIŠNJA BOSNA / SREDNJOBOSANSKI KANTON
TRAVNIK**

**MINISTARSTVO OBRAZOVANJA,
ZNANOSTI, MLADIH, KULTURE I ŠPORTA**



**CENTRAL BOSNIA CANTON
MINISTRY OF EDUCATION,
SCIENCE, YOUTH, CULTURE AND SPORTS**

**MINISTARSTVO OBRAZOVANJA,
NAUKE, MLADIH, KULTURE I SPORTA**

Travnik, Stanična 43., Tel./faks.: 030/511-214, 030/518-675, www.mozks-ksb.ba, e-mail: minobsbk@bih.net.ba, mozks@sbk-ksb.gov.ba

Broj: 08-23-578/2025

Datum: 28.3.2025. godine

Na osnovu člana 178. Zakona o osnovama bezbjednosti saobraćaja na cestama u Bosni i Hercegovini ("Službeni glasnik Bosne i Hercegovine", broj: 6/06, 75/06 – ispravka teksta, 44/07, 84/09, 48/10, 18/13, 8/17, 89/17, 9/18, 46/23 i 88/23), u skladu s odredbama Pravilnika o uslovima i načinu dobivanja licence ("Službeni glasnik Bosne i Hercegovine", broj: 12/07, 41/07 i 13/13), te odredbama člana 2. Pravilnika o načinu i uslovima organiziranja i polaganja ispita za dobijanje licenci, te o visini naknada članovima komisije ("Službene novine Srednjobosanskog kantona", broj: 9/07), te Zaključka Vlade SBK Travnik broj 01-04.1-3327/2025-17 od 27.3.2025 godine, Ministarstvo obrazovanja, znanosti, mladih, kulture i sporta Srednjobosanskog kantona r a s p i s u j e

JAVNI POZIV

ZA PRIJAVLJIVANJE KANDIDATA ZA DOBIJANJE SLJEDEĆIH LICENCI:

- 1. licenca predavača teoretske nastave**
- 2. licenca ispitivača iz teoretskog dijela ispita**
- 3. licenca ispitivača iz upravljanja motornim vozilom i**
- 4. licenca ispitivača iz poznavanja prve pomoći**

I. USLOVI

Pravo prijavljivanja na Javni poziv i pravo osposobljavanja i polaganja ispita za dobijanje licenci pod brojevima 1., 2., 3. i 4. ovoga javnoga poziva ima osoba koja:

1. Za licencu predavača teoretske nastave ispunjava uslove da je diplomirani inženjer saobraćaja, cestovni smjer (VII stepen stručne spreme, najmanje 240 ECTS bodova), koja ima vozačku dozvolu "B" kategorije.

2. Za licencu ispitivača iz teoretskog dijela ispita ispunjava uslove da je:

a) diplomirani inženjer saobraćaja, cestovni smjer (VII stepen stručne spreme, najmanje 240 ECTS bodova), koji ima vozačku dozvolu "B" kategorije, ili osoba koja ima VII stepen stručne spreme, najmanje 240 ECTS bodova i najmanje godinu dana iskustva na poslovima bezbjednosti saobraćaja.

b) inženjer prometa, cestovni smjer (VI stupanj stručne spreme, najmanje 180 ECTS bodova) i najmanje godinu dana iskustva na poslovima bezbjednosti saobraćaja.

3. Za licencu ispitivača iz upravljanja motornim vozilom ispunjava uvjete da je:

a) diplomirani inženjer saobraćaja, cestovni smjer (VII stupanj stručne spreme, najmanje 240 ECTS bodova), ili diplomirani pravnik (VII stepen stručne spreme, najmanje 240 ECTS bodova), ili diplomirani inženjer mašinstva (VII stepen stručne

spreme, najmanje 240 ECTS bodova), ili lice koje ima obrazovanje nastavno-pedagoškog smjera (VII stupanj stručne spreme, najmanje 240 ECTS bodova) i najmanje godinu dana radnog iskustva na poslovima osposobljavanja kandidata za vozače ili instruktora vožnje u autoškoli;

b) inženjer saobraćaja, cestovni smjer (VI stepen stručne spreme, najmanje 180 ECTS bodova), ili lice koje ima obrazovanje nastavno-pedagoškog smjera (VI stepen stručne spreme, najmanje 180 ECTS bodova) i najmanje dvije godine radnog iskustva na poslovima osposobljavanja kandidata za vozače ili instruktora vožnje u autoškoli;

c) osoba koja ima V stepen stručne spreme, cestovni smjer i najmanje tri godine radnog iskustva na poslovima osposobljavanja kandidata za vozače ili instruktora vožnje u autoškoli;

d) osoba koja ima IV stupanj stručne spreme, cestovni smjer i najmanje četiri godine radnog iskustva na poslovima osposobljavanja kandidata za vozače i instruktora vožnje u autoškoli.

4. Za licencu ispitivača iz poznavanja prve pomoći ispunjava uslove:

a) da posjeduje licencu liječnika opće medicine i

b) da posjeduje vozačku dozvolu "B" kategorije.

(Licenca se izdaje; ne obavlja se osposobljavanje niti se polaže ispit).

II. DOSTAVLJANJE DOKUMENTACIJE

Kao dokaz o ispunjavanju uslova iz tačke I. ovog javnog poziva, svaki kandidat je dužan dostaviti sljedeće dokumente:

a) dokaz o ispunjavanju uslova u pogledu stručne spreme (ovjerenu fotokopiju odgovarajuće diplome / svjedodžbe) (za licencu 1., 2., 3. i 4.)

b) ovjerenu fotokopiju lične karte (za licencu 1., 2., 3. i 4.)

c) ovjerenu fotokopiju vozačke dozvole (za licencu 1., 2., 3. i 4.)

d) ovjerenu fotokopiju dozvole instruktora vožnje (kandidat **koji ima dozvolu instruktora vožnje**, priložiti za licencu 3.)

e) dokaz o traženom iskustvu na poslovima bezbjednosti saobraćaja (za licencu 2.)

f) dokaz o traženom radnom iskustva na poslovima osposobljavanja kandidata za vozače ili instruktora vožnje u autoškoli (za licencu 3.)

g) uvjerenje da kandidatu nije izrečena mjera bezbjednosti ili zaštitna mjera zabrana upravljanja motornim vozilom – izdavanje ne starije od datuma objave ovoga Javnoga poziva, (mjerodavno je uvjerenje koje izdaje MUP – Uprava za administraciju u mjestu prebivališta kandidata), (za licencu 1., 2., 3. i 4.)

h) dokaz o uplati administrativne takse za stjecanje licence u iznosu od 20,00 KM.

III OSPOSABLJAVANJE I TROŠKOVI

Za kandidate koji ispunje uslove po javnom pozivu (za stjecanje licence pod: 1, 2 i 3) organizuje se osposobljavanje - kroz obaveznu pripremnu nastavu koja ukupno traje 10 sati, i to za za licencu **pod rednim brojem 1. i 2.:**

- Poznavanje propisa o bezbjednosti saobraćaja na cestama 8 sati,

- Pedagogija 2 sata.

Za licencu pod rednim brojem **3.:**

- Poznavanje propisa o bezbjednosti saobraćaja na cestama 8 sati,

- Vožnja u ulozi ispitivača 2 sata.

Kandidati će blagovremeno biti obavješteni o vremenu i mjestu obavljanja pripreme nastave .

Troškovi za pripremu nastave jesu sljedeći:

- Poznavanje propisa o bezbjednosti saobraćaja na cestama 50,00 KM,
- Pedagogija 50,00 KM,
- Vožnja u ulozi ispitivača 50,00 KM.

Posebna napomena: uz dokaz o uplati troškova za pripremu nastave - dostavlja se i uplata za eliminacijski ispit iz Poznavanja propisa o bezbjednosti saobraćaja na cestama, u iznosu od 150,00 KM (može i zbirno na jednu uplatnicu nastava i ispit u ukupnom iznosu od 200,00 KM).

IV ISPITI I TROŠKOVI

Nakon položenog eliminatornog ispita iz Poznavanja propisa o bezbjednosti saobraćaja na cestama, kandidat koji želi nastaviti polaganje ostalih ispita je obavezan uplatiti naknadu za ispite iz ostalih oblasti

Za licencu pod rednim brojem 1. i 2.:

- Poznavanja propisa o sigurnosti prometa na cestama - polaže se pismeno i usmeno (cijena ispita 150 KM), dokaz o uplati ovoga eliminatornog ispita se dostavlja ranije na početku nastave,

- Pedagogija - polaže se usmeno (cijena ispita 150 KM).

Za licencu pod rednim brojem 3.:

- Poznavanja propisa o bezbjednosti saobraćaja na cestama - polaže se pismeno i usmeno (cijena ispita 150 KM) dokaz o uplati ovoga eliminatornog ispita se dostavlja ranije na početku nastave,

- Vožnja u ulozi ispitivača - polaže se praktično (cijena ispita 150 KM).

Naknada za polaganje popravnog ispita iznosi 100 KM za svaki ispit koji se ponovo polaže.

V POSEBNE NAPOMENE KANDIDATIMA

Kandidat **koji ima dozvolu** vozača-instruktora vožnje za dobivanje licence za predavača teorijske nastave ili ispitivača teorijskoga dijela ispita polaže ispit iz Poznavanja propisa o bezbjednosti saobraćaja na cestama.

Kandidat koji **nema** dozvolu instruktora vožnje za dobivanje licence za predavača teoretske nastave polaže ispit iz Poznavanja propisa o bezbjednosti saobraćaja na cestama i Pedagogiju.

Kandidat za dobivanje licence za ispitivača teoretskog dijela ispita, koji nema dozvolu vozača instruktora, polaže Poznavanje propisa o bezbjednosti saobraćaja na cestama i pedagogiju.

Kandidat za dobivanje licence za ispitivača iz upravljanja motornim vozilom polaže Poznavanje propisa o bezbjednosti saobraćaja na cestama i pedagošku vožnju iz praktičnog dijela pedagogije.

Osoba koja dobije licencu za predavača teoretske nastave dobiva i licencu ispitivača teoretskoga dijela ispita, a ako ima dozvolu vozača-instruktora vožnje i najmanje jednu godinu iskustva na poslovima obuke kandidata za vozača, dobiva i licencu ispitivača iz upravljanja motornim vozilom.

Prilikom osposobljavanja i polaganja ispita iz upravljanja motornim vozilom kandidat je dužan osigurati tehnički ispravno, propisno opremljeno i čisto motorno vozilo "B" kategorije.

Naknade za troškove iz tačke III i tačke IV. ovoga Javnoga poziva uplaćuju se na transakcijski račun **Budžet Srednjobosanskog kantona**, broj: **134-113-036-000-0194** s naznakom: "**Uplata za dobivanje licence**", vrsta prihoda: **722611**; šifra općine (**091**); proračunska organizacija: **17010001**.

Posebno, administrativne takse se uplaćuju na vrstu prihoda: **722121**. (Iznos iz tačke II. pod h) Javnog poziva)

VI. PRIJAVA

Prijava na Javni poziv, uz dokumentaciju propisanu u tački II. ovoga Javnoga poziva, u zatvorenoj kuverti, može se dostaviti na adresu:

SREDNJOBOSANSKI KANTON
Ministarstvo obrazovanja, nauke, mladih, kulture i sporta
Stanična 43, Travnik
(Odjel za autoškole i vozačke ispite)

s naznakom "**Prijava na Javni poziv za dobivanje licenci-ne otvarati**", a na zadnjoj strani koverta potrebno je navesti svoje ime i prezime, adresu prebivališta.

Prijavljivanje se obavlja preko obrasca prijave koji se može preuzeti u Odjelu za autoškole i vozačke ispite, u Travniku, ul. Erika Brandisa bb, Zvijezda 2, ili na web-adresi ministarstva www.mozks-ksb.ba.

Krajnji rok za dostavljanje prijave na ovaj Javni poziv jeste **dvadeset dana od dana objave** na web adresi Ministarstva www.mozks-ksb.ba.

Ako kandidat aplicira za dobivanje više licenci, potrebno je dostaviti samo jedan komplet propisane dokumentacije pod tačkom II. iz Javnoga poziva, a u obrascu prijave naznačiti za koje licence aplicira, kako je to dato u samom obrascu.

Kandidati koji **ispune uslove Javnog poziva**, biti će blagovremeno obavješteni o vremenu i mjestu obavljanja pripreme nastave, te o visini **naknade uplate troškova** za osposobljavanje (priprema nastava), ispitima, popravnim ispitima, naknadi troškova za ispite, oslobađanje od osposobljavanja i polaganja ispita, plaćanju naknada za izradu licenci, te o administrativnim taksama i drugim bitnim pitanjima na prvom okupljanju - zajedničkom sastanku.

Kandidati koji **ne ispune uslove** iz tačke I. i II. Javnog poziva bit će obavješteni pismenim putem.

Nepotpune i neblagovremene prijave kandidata na Javni poziv neće se razmatrati o čemu će kandidati biti pismeno obaviješteni uz povrat dokumentacije.

Za eventualne nejasnoće po pitanju **Javnog poziva** zainteresirani se mogu javiti na telefon broj 030/540-747 ili 030/540-746 u vremenu od 10-12 sati ili na Email adresu mpzkis@bih.net.ba.



MINISTAR
Bojan Dović